

藝文志十五

湖北通志卷九十一

外編一

諸家合撰書一

標題以湖北人爲主

東觀漢記一百四十三卷漢劉珍等撰

隋書經籍志樂大典輯本二十四卷

東觀漢記一百四十三卷起光武記注至靈帝長水校尉劉珍

等撰先是班固與陳宗尹敏孟異等共成光武本紀固撰後漢

事作列傳載記二十八篇其後劉珍劉毅劉陶

案此似劉伏無

忌等相次著述謂之漢記

同上案後漢書本傳云詔珍與駒駮作建武以來名臣傳當卽是書

案東觀漢記隋志稱長水校尉劉珍等撰今考之范書珍未嘗

爲長水校尉且是書於漢明帝時勅修後遞有增續至熹平中

乃成書題劉珍撰亦非其實隋志稱書凡一百四十三卷而新

舊唐書志則云一百二十六卷又錄一卷蓋唐時已有闕佚自

志九十一

藝文十五

外編

一

章懷太子注范書盛行於代此書遂微北宋時尚有殘本四十

三卷趙希弁讀書附志邵博聞見後錄並稱其書乃高麗所獻

外已罕傳南宋中興書目則止存鄧禹吳漢賈復耿弇寇恂馮

異祭遵蓋延九傳共八卷陳振孫稱其所見本卷第凡十二而

闕第七第八二卷卷數雖似稍多而核其列傳之數亦止九篇

則固無異於書目所載也自元以來此書已佚永樂大典於鄧

吳賈耿諸韻中並無漢記一語則所謂九篇者明初卽已不存

矣本朝姚之駟撰後漢書補逸蒐集遺文析爲八卷往往掇拾

不盡挂漏殊多今據姚本以永樂大典各韻所載參考諸書補

其闕佚所增者幾十之六分爲帝紀二卷年表一卷志一卷列

傳十七卷載記一卷其篇第無可考者別爲佚文一卷而以漢

紀與范書異同附錄於末

四庫提要



長洲玉鏡四百卷隋柳詵等撰 續談助

大業二年六月學士祕書監柳顧言學士著作佐郎王冑等撰
長洲玉鏡一部四百卷帝謂顧言曰此書原本出自華林徧略
然無復可加事當典要其卷雖少其事乃多於徧略對曰梁主
以隱士劉孝標撰類苑一百二十卷自言天下之事畢盡此書
無一物遺漏梁武心不服卽敕華林園學士七百餘人人撰一
卷其事類數倍多於類苑今文籍又富梁朝是以取事多於徧
略然梁朝學士取事意各不同如寶劍出自昆吾溪照人如照
水切玉如切泥序劍者錄爲劍事序溪者亦取爲溪事撰王者
亦編爲玉事以此重出是以卷多至於玉鏡則不然帝曰誠如
卿說 案隋書北史柳詵傳皆不言詵領修是書隋志雜家長
卿說 案隋書北史柳詵傳皆不言詵領修是書隋志雜家長
載新唐志卷數與隋志同稱虞綽等撰考綽傳云與虞世南等
撰長洲玉鏡等書十餘部蓋與詵同其事者至隋唐志卷數與

志九十一

藝文十五 外編

晁氏續談助
不符俟考

大業正御書目錄九卷隋柳詵等撰 隋書經籍志

北史隋西京嘉則殿有書三十七萬卷煬帝命祕書監柳顧言
等詮次除其重複猥雜得正御本三萬七千餘卷納於東都修
文殿又寫五十副本簡爲三品分置西京東都宮省官府其正
御書皆裝翦華綺寶軸錦標於觀文殿前爲書室四十間窗戶
褥幔咸極珍麗 玉海 案隋志載是書不著撰人今考杜寶
李延壽之言乃柳詵領其事也故據以錄之

周書五十卷唐岑文本等撰 唐書藝文志

太宗以文本爲中書侍郎專典機密又先與令狐德棻撰周史
其史論多出文本至貞觀十年史成 唐書本傳

高似孫曰德棻言周隋事多脫損乃命德棻與祕書郎岑文本
殿中侍御史崔仁師撰次周史 史略

垂拱式二十卷又格十卷 新格二卷 散頒格三卷 留司格

六卷唐岑長倩等撰 唐書藝文志

秋官尚書裴居道夏官尚書同鳳閣鸞臺三品岑長倩等奉詔

撰加計帳句帳二式垂拱元年上新格武后製序 同

則天皇后實錄三十卷唐岑義等撰 文獻通考

神龍二年五月魏元忠武三思祝欽明徐彥伯柳冲章承慶崔

融岑義徐堅等修則天實錄三十卷文集一百卷上之 唐會要

中宗實錄二十卷唐岑義等撰 唐書藝文志

初中宗時侍御史冉祖雍誣奏睿宗及太平公主與節愍太子

逆謀請加推究義與中書侍郎蕭至忠密申保護及義監修中

宗實錄自書其事睿宗覽而大加賞歎賜物三百段良馬一匹

仍下制書褒美之 舊唐書本傳

志九十一

藝文十五 外編

三

太極格十卷唐岑義等撰 唐書藝文志

睿宗即位戶部尚書岑義等又著太極格 唐書刑法志

氏族錄唐岑義等撰 唐書藝文志

義於中宗神龍元年被命與柳冲同修姓族系錄 唐會要案

云義神龍初爲中書舍人睿宗即位出爲陝州刺史復歷刑部

戶部二尚書門下三品監修國史刪定格令仍修氏族錄自神

龍至景雲時逾六載書尚未成故義陝州召還仍預其事

御銓定漢書八十七卷唐郝處俊等撰 唐書藝文志舊唐書

松陵集十卷唐皮日休等撰 唐書藝文志

松陵集十卷唐皮日休陸龜蒙倡和之詩也考卷端日休之序

則編而成集者龜蒙題集名者日休也蓋其時蘇州刺史崔璞

辟日休爲從事而龜蒙適以所業謁璞因得與日休相贈答進

士顏萱前廣文博士張賁進士鄭璧司馬都浙東觀察推官李

穀前進士崔瑒及處士魏朴羊昭業等亦相隨有作哀爲此集
其中龜蒙日休之作三百四十二首璞及顏萱等僅詩三十一
首特附見而已

四庫全
書提要

唐書二百二十五卷宋宋祁等撰

文獻通考

新唐書二百二十五卷翰林學士歐陽修端明殿學士宋祁撰
初慶曆中詔王堯臣張方平等刊修久而未就至和初乃命修
爲紀志祁爲列傳范鎮王疇宋敏求呂夏卿劉義叟同編修嘉
祐五年上之凡廢傳六十一增傳三百三十一

書錄解題

宋景文公始獨撰史歲月雖久而書蓋將成後歐陽公分撰紀
志今與景文所撰列傳共行於世是也然景文亦自撰紀志家
藏其稿世莫得見

塵
史

祁雖作百五十傳亦曾自作紀志今宋氏後居華亭者有是書

志九十一

藝文十五

外編

四

史略

三史刊誤四十五卷宋宋祁等撰

宋史藝文志

天聖令文三十卷宋宋庠等撰

宋史藝文志

天聖中宋庠龐籍受詔改修唐令參以今制而成凡二十一門
官品一戶二祠三選舉四考課五軍防六衣服七儀制八鹵簿
九公式十田十一賦十二倉庫十三廩牧十四關市十五捕亡
十六醫疾十七獄官十八營繕十九喪葬二十雜二十一

郡齋
讀書

志

藉田記宋張士遜宋祁等撰

光化志

明道二年二月丁未祀先農行藉田禮五月丙子命宰臣張士
遜撰藉田及恭謝太廟記以翰林學士馮元爲編修官直史館
宋祁爲檢討官旣而宋祁言皇太后謁廟事不可爲後世法乃

命止撰藉田記通鑑長編

咸平館閣圖籍目錄宋朱昂等撰荊州府志

咸平元年十一月以三館祕閣書籍歲久不治詔朱昂杜鎬與

劉承珪整比著爲目錄玉海

慶曆崇文總目六十六卷序錄一卷宋宋庠宋祁等撰安陸府志

景祐元年閏六月以三館祕閣所藏有繆濫不全之書辛酉命

翰林學士張觀知制誥李淑宋祁將館閣正副本書看詳定其

存廢譌謬重複並從刪去內有差漏者今補寫校對倣開元四

部錄約國史藝文志著爲目錄慶曆元年撰成上之玉海案

有謝崇文總目加恩表祁景文集有謝書目成加階勳表庠表

有云首膺遷擢最賢歲時伏蒙垂覽新書嘉聞善職追念編摩

之久靡遺尺寸之勤祁表則曰雖片詞殘牒時竄左文且雜語

諸家尙悉全載似皆久於其事而祁則又似雜史雜家諸類爲

所職掌者今有館閣輯本十二卷嘉定錢東垣輯本五卷而其中庠祁之說渺不可見矣

志九十一

藝文十五

外編

五

初祕書丞余靖上言國子監所收史記漢書誤請行校正詔翰林學士張觀知制誥李淑宋祁與靖洎直講王洙於崇文院讎對靖等悉取三館諸本及先儒注解訓傳六經小說字林說文之類數百家之書以相參校凡所是正增損數千言尤爲精備逾年而上之靖等又自錄其讎校之說別爲刊誤四十五卷崇文總目

宋景文公祁參校漢書凡增七百四十一字損二百一十二字

改正一千三百三十九字史略

景祐廣樂記八十一卷宋宋祁等撰文獻通考卷數據宋志

景祐廣樂記八十卷翰林侍講學士馮元等撰景祐元年判太

常寺燕肅言鐘律不調欲以王朴律準更加考詳詔宋祁與集

賢校理李照共領其事照言朴律太高遂欲改定大樂制管鑄

鐘並引校理聶冠卿為檢討官又詔元等修撰樂書為一代之

典三年七月書成然未幾照樂廢不用書錄解題案李燾續

月戊子太常博士直史館宋祁等上廣樂記八十一卷宋志亦

作八十一卷東都事略云六十五卷書錄解題云八十卷者似

誤宋景文集內有論以尺定律一篇當為是書之緣起也晏殊張士遜笑臺詩一卷宋張士遜晏殊撰宋史藝文志

南健唱和詩集一卷宋吳中復吳祕張谷撰宋史藝文志

紹聖三公詩三卷宋馮京等撰宋史藝文志

司馬光歐陽修馮京所著同補元史藝文志

順宗實錄一卷元程鉅夫等撰元史本傳

皇慶元年十月學士程鉅夫待制元明善進同

成宗實錄五十六卷事目十卷元程鉅夫等撰元史本傳

皇慶元年翰林學士程鉅夫修撰鄧文原待制元明善進補元史藝

志九十一

藝文十五 外編

六

文志

武宗實錄五十卷事目七卷元程鉅夫等撰元史本傳

皇慶元年翰林學士承旨程鉅夫待制元明善修撰楊載進補元

史藝文志

成宗制誥錄七卷 武宗制誥錄三卷元程鉅夫等編補元史藝

此二書錢氏補志分繫於兩朝實錄之後蓋與實錄同時奏進者

高皇實錄明廖昇等撰明史藝文志

建文初修太祖實錄董倫王景為總裁官昇與高遜志為副總

裁官李貫王紳胡子昭楊士奇羅恢程本立為纂修官明史

張乖厓事文錄四卷明顏端等撰嘉慶志

明顏端徐瀚同編端應山人官成都縣教諭瀚杭州人官華陽縣教諭前有文安邢表序蓋弘治三年表為四川左布政使以

張詠爲蜀名宦故屬二人輯錄此編一卷爲本傳及事實二卷爲遺文十三篇三卷四卷爲同時贈答及後人祠記祭文之類詠全集尙有傳本端等未見故所輯頗挂漏焉

四庫存目

皇明寶訓實錄明張居正等撰

明史藝文志

帝初政居正嘗撰古治亂事百餘條繪圖以俗語解之使帝易曉至是復率儒臣紀太祖列聖寶訓實錄分類成書凡四十目曰創業艱難曰勵精圖治曰勤學曰敬天曰法祖曰保民曰謹祭祀曰崇孝敬曰端好尙曰慎起居曰戒游逸曰正宮闈曰教儲貳曰睦宗藩曰親賢臣曰去奸邪曰納諫曰理財曰守法曰警戒曰務實曰正紀綱曰審官曰久任曰重守令曰馭近習曰待外戚曰重農桑曰興教化曰明賞罰曰信詔令曰謹名分曰卻貢獻曰慎賞賚曰敦節儉曰慎刑獄曰褒功德曰屏異端曰

志九十一

藝文十五 外編

七

飭武備曰禦戎狄請以經筵之暇進講帝優詔報許

明史本傳

世宗實錄五百六十六卷明張居正等撰

明史藝文志

隆慶中徐階等修未竣萬曆五年張居正等續修成之

同上

穆宗實錄七十卷明張居正等撰

明史藝文志

帝鑑圖說六卷明張居正等撰

明史藝文志

居正與呂調陽同撰調陽臨桂人明史有傳是編乃二人奏御之書取堯舜以來善可爲法者八十一事惡可爲戒者三十六事每事前繪一圖後錄傳記本文而爲之直解有隆慶六年十二月進疏一篇蓋當神宗諒闇時也疏云善爲陽爲吉故數用九九惡爲陰爲凶故數用六六取唐宗以古爲鑑之語名之

四庫

存目 案存目載內府藏本無卷數蓋其原編明藝文志作六卷劉若愚酌中志呂毖明宮史並云帝鑑圖說六本三百五十六葉明志卽以本數爲卷數耳又案大治志云調陽字和卿本縣茅潭里人由廣西籍舉嘉靖十三年鄉試二十九年廷試第

二人累官建極殿大學士卒贈太保
諡文簡據此則調陽亦湖北人也

吏部職掌明王篆等續修

嘉慶志

前編黃養蒙纂是編方九功王篆續修於嘉隆以前吏部制度沿革載之最悉蓋排纂案牘而爲之猶今之六部則例也

四庫存目

玉林清賞集明汪穎編

嘉慶志

穎致仕家居三十餘年築室江南之野足迹不入城市太守袁定山祖唐時渡江訪之與爲倡酬已乃哀集一時之作題曰玉林清賞張居正爲之序

荊州府志

萬曆四川總志三十四卷明魏樸如等撰

蒲圻志

魏樸如游樸童良同撰提學副使南海郭棐裁正之樸如題敘州府同知良題諸生皆不知其里貫樸福寧人萬曆甲戌進士成都府推官是書凡省志四卷郡縣志十四卷經略志附以雜

志九十一

藝文十五

外編

八

記共十四卷文八卷詩四卷其書於尹吉甫商瞿董永楊時之類舊志誤收者頗有駁正於趙戒張商英之類舊志溢美者亦頗有簡汰惟職官不載守令未免疏略而以先代帝紀列於前亦非輿記之體也

四庫存目

案蒲圻志樸如字文可襄長子嘉靖辛酉舉人官衛輝府同知再補敘州安

慶擢守澂江以副使致仕明史志郭棐四川通志三十六卷存目標題三十四卷而所列諸目則四十四卷互異未詳孰是

八閩全書明林羅材等修

江夏志

羅材字徵卿江夏人少爲諸生以文學受知於司李熊心開及江夏令徐子卿後熊爲閩撫徐爲漳南道聘修是書

同上

貴州通志四十六卷清靖道謨撰

嘉慶志

大學士鄂爾泰等監修其書與雲南通志同時纂次司其事者亦姚州知州靖道謨繼之者則仁懷知縣杜恮也其視各省通志成書最後至乾隆六年刊刻始竣總督管巡撫事張廣泗表

上之

四庫提要 案道謨
雲南通志已入前編

壺關縣志十八卷清秦之柄續修

漢川志

之柄以乾隆三十四年任壺關知縣前令楊某修志未及竣事

因取其稿增益參訂序而刻之

同上

浙西水利備考八卷清帥承瀛撰

黃州府志

道光元年承瀛官浙江巡撫三年秋江浙七郡大水被災特重

蠲免賑濟以千萬計因請求水利檄屬履勘纂爲是書領其事

者婺源王鳳生也光緒四年重刊不分卷析爲四冊凡東南七

府三江杭嘉湖三府州縣水道圖說綜二十有八附太湖圖烏

程長興漉港全圖南昌梅啟照爲之序

采訪冊

兩淮鹽法志一百六十卷清王定安等重修

刊本

兩淮鹽法志自康熙三十二年至嘉慶十一年凡四修其後改

志九十一

藝文十五

外編

九

綱爲票又經寇亂今昔情形迥然不同光緒十五年兩江總督

奏請設局續修以江蘇候補道王定安專司總纂踰三載書成

總督劉坤一奏上之

采訪冊

以上凡四十三部

紀載湖北事實書二

荊州星占二卷漢劉表撰

唐書藝文志
表官績有傳

唐志於劉叡荊州星占外別出劉表荊州星占二卷據晉書天

文志則劉叡書卽劉表書唐志誤分之

補後漢書藝文志
唐經籍志天文家荊州案

星占二卷劉表撰又二十卷劉叡撰藝文志劉表荊州星占二
卷劉叡荊州星占二十卷皆連書非重出者其卷數亦各不相
同未可以晉志之說斷爲誤分也叡書至宋僅存一卷見通志
略表書二卷至宋史猶載之又有星經一卷又一部三卷似皆
別本異名亦各爲一書之明
證特莫詳其書之真僞耳

荊州星占二十卷漢劉叡撰

舊唐書經籍志
叡里籍未詳

晉天文志中漢末劉表爲荊州牧命武陵太守劉叡集天文衆
占名荊州星占其雜星之體有瑞星有妖星有客星有流星有
瑞氣有妖氣有日月旁氣通志藝文略荊州劉石甘巫占一卷
漢荊州牧劉表命武陵太守劉意集甘石巫咸等之占今存一
卷劉叡作劉意崇文總目亦同未詳孰是案通志略承總目之
異文是當從兩唐書
及晉天文志作叡續漢書天文志注及御覽卷七屢引荊州星占又卷
四引一條皇后救月蝕儀補後漢書藝文志

何顒使君家傳一卷漢撰人未詳隋書經籍志

御覽卷四百四十四七百二十二俱引何顒別傳疑卽此書也
其文云顒有人倫鑒同郡張仲景總角造顒顒謂曰君用思精
而韻不高後將爲良醫卒如其言補後漢書藝文志案新舊
唐志並作何顒傳一卷與隋

志小異章宗源考證以
爲隋志不著錄者誤也

志九十一

藝文十五

外編

十

孟宗別傳吳撰人未詳初學記案
隋志不著錄

御覽卷二百六十一引孟宗別傳云宗爲豫章太守人思其惠
路有行歌故時人之生以孟爲名又八百五十引之云宗爲光
祿勳大會醉吐麥飯察者以聞詔問食麥飯意宗答臣家足有
米麥飯直愚臣所安是以食之案吳志孫皓傳注載宗事甚詳
而獨無此二事補三國
藝文志

沔南故事三卷晉應詹撰隋書經籍志

詹字思遠汝南南頓人鎮南大將軍劉弘詹之祖舅也請爲長
史仍委以軍政弘著續漢南詹之力也王澄爲荊州假詹督南
平天門武陵三郡軍事天門武陵蠻反詹討降之鎮南將軍山
簡復假詹督五郡軍事元帝假詹建武將軍王敦又上詹監巴
東五郡軍事賜爵潁陽侯晉書應詹傳案通志略又有征
南故事三卷應詹撰似複出也

救襄陽上都府事一卷晉王愷期撰 唐書藝文志

桓宣鎮襄陽石季龍使騎七千渡沔攻之庾亮遣司馬王愷期

輔國將軍毛寶救宣賊解圍退走 晉書桓宣傳 案愷期里貫

蠻校尉守江陵見晉書庾翼傳及桓宣傳

孟嘉別傳晉撰人未詳 藝文類聚

郭翻別傳晉撰人未詳 藝文類聚

二書隋唐志皆不著錄 隋志考證

楚國先賢傳贊十二卷晉張方撰 隋書經籍志

方里貫未詳新唐志無贊字舊唐志作先賢志題楊方撰案文

選應璩百一詩注引應休璉作百篇詩譏切時事藝文類聚禮

部引先王日祭月享時類歲祀語並稱張方楚國先賢傳無稱

楊方者世說德行篇注百里奚字井伯楚人仕虞晉欲假道奚

志九十一

藝文十五 外編

十一

諫不聽乃去初學記居處部熊宜僚隱居市南不屈於時太平

御覽鱗介部宋玉對楚王曰神龍朝發崑崙之墟暮宿於孟諸

據此所引乃上及春秋戰國裴松之章懷注史所引則皆漢魏

晉時事 隋志考證 案又有鄒閔之楚國先賢傳唐吳從政刪

荆州先賢傳三卷晉高範撰 舊唐書經籍志 案新唐書作一

範里貫未詳隋志不著錄北堂書鈔政術部周瑜以龐統有重

名召爲功曹又呂乂爲尙書令節儉自守又費禕使吳應機輒

對太平御覽地部羅獻守巴東對吳人曰城中土一撮不可得

並作荆州先德傳書鈔政術部董正舉孝廉負笈單步上還舉

板藝文部龐士元師事司馬德操與共談移日忘殮樂部羅獻

守巴東賦詩使人歌以慰城中人藝文類聚儀飾部羅獻以泰

始三年假節增鼓吹棨戟御覽人事部馬氏五常白眉最良俱

引荊州先賢傳隋志考證

羊祜墮淚碑一卷晉李安撰嘉慶志

祜樂山水每風景必造峴山置酒言詠終日不倦嘗慨然歎息顧從事鄒湛等曰自有宇宙便有此山由來賢達勝士登此遠望如我與卿者多矣皆湮滅無聞使人悲傷如百歲後有知魂魄猶應登此也及卒襄陽百姓於現山祜平生游憩之所建碑立廟歲時饗祭焉望其碑者莫不流涕因名為墮淚碑晉書羊祜傳

荊州記晉范汪撰史記正義汪流寓有傳

卷亡隋志不著錄隋志考證

荊州記晉庾仲雍撰文選注仲雍里貫未詳

志九十一

藝文十五 外編

三

卷亡隋志不著錄

隋志考證案仲雍為新野之庾與否無可考太平御覽引庾仲雍湘州記又一稱庾穆

之湘州記似穆之其名仲雍其字又案隋書經籍志有庾仲雍江記五卷漢水記五卷江漢二水庾氏記其源委其書不得專屬湖北今注於此

宜都山川記晉袁山松撰唐書藝文志

隋志不著錄藝文類聚地部獸部初學記地部北堂書鈔天部並引袁山松宜都山川記或省文作宜都記隋志考證案山松陳郡陽夏人宏

從昆弟行安帝時嘗官宜都太守晉書附見其祖瓌傳

宜都山川記一卷李氏撰

唐書藝文志案是書新唐志列齊劉澄之之次通志略列晉謝靈運之次今

從袁書類列而不標其時代

武昌先賢志二卷宋郭緣生撰隋書經籍志

緣生宋天門太守里貫未詳新舊唐志皆作先賢傳又云三卷太平御覽人事部郭緣生武昌先賢傳曰郭翻字長翔為人非

已耕不食非妻織不衣

隋志考證

荊州記三卷宋威弘之撰

隋書經籍志

案弘之里籍未詳據隋志嘗爲臨川王侍郎餘無考近人善化

陳運溶有輯本

荊州記齊劉澄之撰

初學記

澄之里貫未詳卷亡隋志不著錄

隋志考證

案隋志有齊都官尙書劉澄之永初山川古

今記二十卷司州山川古今記三卷當卽其人

荊南地志二卷梁元帝撰

隋書經籍志

太平御覽地部華容方臺山出雲母土人候雲所出處於下掘取無不大獲此引蕭世誠荊南志又高沙湖在枚迴洲上徵士宗炳昔嘗家焉又枝江縣界內洲大小凡三十七寰宇記四山南東道枚迴洲北江呼爲薔薇江又五葉湖側昔有人張被五葉因以爲名又巴山有巴復村在山北因曰巴山又荆潭以上

志九十一

藝文十五

外編

十三

爲建水以下爲潛水並引荊南志又石首陽岐山一事太平御

覽稱荊南記

隋志考證

案

南雍州記六卷梁鮑至撰

隋書經籍志

至里貫未詳通典州郡門注鮑至南雍州記曰城內有蕭相國

廟相傳謂城隍神唐志作鮑堅又作三卷

隋志考證

荊州雜碑三卷梁撰人未詳

隋書經籍志

江陵記伍端休撰

太平御覽

卷亡隋志不著錄太平御覽地部州城北有楚平王冢枝江班竹岡又有平王冢未知孰是又云城西北有大林春秋魯文公六年楚大饑戎師於大林卽此地也又云城東有曹公林建安十三年曹操師頓此林因謂曹公林並引伍端休江陵記

隋志考證

案端休始末未詳今以庚詵續其書當爲齊梁間人故從列於此

武昌記史筌撰 北堂書鈔

筌時代里貫未詳卷亡隋志不著錄 隋志考證

案水經沔水注引荊州圖記荊州圖副記藝文類聚舟車部引荊州土地志三書隋志俱不著錄並不詳其時代撰人大抵皆六朝人所作附記於此

荆楚歲時記二卷唐杜公瞻撰 舊唐書經籍志詳見前編宗懔荆楚歲時記下

襄沔記三卷唐吳從政撰 唐書藝文志案宋志作襄沔雜記從政里籍未詳

從政刪宗懔荆楚歲時記盛弘之荊州記鄒闔甫楚國先賢傳習鑿齒襄陽耆舊傳郭仲產襄陽記鮑堅南雍州記集成此書其記襄漢事蹟詳矣從政景龍中人自號栖閑子 書錄解題

襄陽故事十卷唐盧求撰 唐書藝文志

求范陽人西川節度使白敏中從事

志九十一

藝文十五 外編

古

渚宮舊事十卷唐余知古撰 唐書藝文志案今存殘本五卷補一卷

渚宮舊事十卷自鸞熊至唐江陵君臣人物事迹子史傳記所載悉纂取之 郡齋讀書志

渚宮舊事一名渚宮故事唐余知古撰其銜稱將仕郎守太子校書里貫則未詳也其書上起鸞熊下迄唐代所載皆荆楚之事故題曰渚宮書本十卷唐書藝文志著錄今本惟存五卷止於晉代考晁公武讀書志載渚宮故事十卷則南宋之初尙爲完本至陳振孫書錄解題所言已與今本同則宋齊以下五卷當佚於南宋之末元陶宗儀說郛節鈔此書十餘條晉以後乃居其七疑從類書引出非尙見原本也唐志載此書注曰文宗時人又載漢上題襟集十卷注曰段成式溫庭筠余知古則與段溫二人同時倡和此書皆記楚事其爲游漢上時所作更無

疑義陳氏以爲後周人已屬譌誤通考引讀書志之文併脫去
余字竟題爲唐知古撰則謬彌甚矣今仍其舊爲五卷其散見
於他書者別輯爲補遺一卷附錄於後焉

謝亭詩一卷

崇文總目

謝亭詩一卷唐李遜鎮襄陽以所送行詩筆於襄陽謝亭

通志藝文

略案宋藝文志有許孟容謝亭詩集一卷似卽此集

渚宮唱和集二十卷 峴山倡詠集八卷唐裴均撰

唐書藝文志

均字君齊聞喜人累擢荆南行軍司馬就拜節度使

唐書裴行儉傳案

志又載均有荆潭倡和集一卷荆夔倡和集一卷

漢上題襟集十卷唐段成式撰

唐書藝文志

漢上題襟集三卷唐段成式溫庭筠逢皓

案文獻通考作余知崔皎無逢皓名

古韋蟾徐商等倡和詩什往來簡牘蓋在襄陽時也

書錄解題案宋史

志九十一

藝文十五 外編

五

藝文志作十卷晁志並同惟陳錄作三卷異

峽程記一卷蜀韋莊撰

宋史藝文志

莊字端已杜陵人唐乾寧九年第進士授校書郎轉補闕後仕

蜀王建至吏部侍郎同平章事

十國春秋

送王周歸江陵詩二卷宋杜衍等撰

宋史藝文志

蘇軾書王太尉送行詩後曰送行詩上下二卷凡六十有六人

慶曆皇祐閒朝廷號稱多士故光祿卿贈太尉王公挂冠歸江

陵多一時之傑非獨以見王公取友之端亦足以知朝廷得士

之美

東坡集案歐陽文忠集有送王周歸江陵序

上卷三十三人杜衍賈黯宋敏求司馬光王安石蘇渙王疇邵

亢元絳王純臣呂夏卿張瓌何涉謝仲弓陳洙胡恢王舉正趙

概張揆曾公亮王珪王洙曾公定胡宿范鎮李復圭張芻吳幾

復范百之晁仲衍石揚休李絢來敏修下卷三十三人丁度郭

勸齊廓馬仲甫令狐挺施昌言呂居簡孫沔劉瑾馮浩黃灝韓

鐸李師中辛若渝李壽朋劉參張師中李先楚秦洪直周廷雋

錢延年解賓王黃從政孟詢閻頤謝徽張孜吳可幾范寬之張

中庸鮑光閔從周嘉慶志案周宋史無傳行迹未詳杜正獻

朱公合比肩謂朱昂也知周必為江陵人矣

高氏世家十卷

宋史藝文志案新五代史南平世家高季興字

同光二年封南平王子從誨從誨子保融保融弟保勛及兄子

繼冲宋乾德元年納土歸降國除傳龔凡四世五帥五十七年

唐質肅遺事一卷宋撰人未詳

文獻通考

無名氏所記唐介子方事也

書錄解題

夢野亭詩宋王琪編

輿地紀勝

志九十一

藝文十五

外編

六

夢野亭郡守王琪作於子城西南隅琪為之記晏殊宋祁吳育

楊徽之蘇紳石延年皆有詩今名夢野奇觀

同上

襄陽題詠宋謝景初編

輿地紀勝

景初元豐四年通判襄州編集古今詩名襄陽題詠凡一百三

十首

同上

漢南酬倡集一卷宋許份撰

宋史藝文志

份閩人官龍圖閣學士

襄陽府志

江陵集古題詠十卷宋唐愈編

宋史藝文志愈里貫未詳

黃州圖經四卷附錄一卷宋李宗諤等撰

書錄解題

李宗諤祥符間所修圖經亦頗有後人附益者郡守李訢又以

近事為附錄焉訢參政邠漢老子也

同上案宋史藝文志訢誤為說又誤合為一書曰

李說黃州圖經五卷

京西路圖經四十六卷 荆湖北路圖經六十三卷宋撰人未詳

通志藝文略案鄭氏樵所著錄似指北宋時之圖經矣

米氏譜一卷宋米憲撰書錄解題憲里貫未詳故不入前編

米氏譜一卷奉直大夫米憲錄蓋國初勳臣米信之後信五世

為芾元章又三世為憲書錄解題案米憲宋史無傳信舊名海進本奚族族屬多在塞外其兄子全

自肅州奮身來歸命乘傳詣代州伺間迎致其親屬全宿留踰年邊境斥候嚴竟不能致信仕周入宋太宗朝官至右武衛上將軍子繼豐內殿崇班閤門祇候見宋史其初蓋西夏人也是書文獻通考作史氏譜自是刊誤

建炎德安守禦錄三卷宋劉荀子撰宋史藝文志

郡丞東平劉荀子編次建炎初高密陳規元則守德安禦羣盜

事跡功狀規後守順昌與劉錡共成卻敵之功者也以樞密直

學士守廬州而卒書錄解題劉荀子或引作劉荀

建炎德安守禦錄二卷宋湯瑋撰四庫書目

志九十一 藝文十五 外編 七

瑋瀏陽人洎熙十四年進士官德安教授尋訪陳規守城遺事

作為此書紹熙四年除太學錄乃表上之案規本傳載乾道八

年詔刻規德安守城錄頒天下為諸守將法藝文志一別有劉

荀建炎德安守禦錄三卷而無瑋書之名疑荀所撰者即乾道

所頒之本瑋書上於紹熙時距乾道已二十餘年或又據荀書

而重加增定歟提要

荆門惠泉詩二卷宋洪适編宋史藝文志適官績有傳

開禧襄陽守城錄一卷宋趙萬年撰四庫存目萬年官績有傳

開禧二年金兵二十萬圍襄陽趙洎新知府事以萬餘人禦之

自十一月至次年二月大戰者十二水陸攻劫者三十有四措

置多方出奇制勝金兵竟解去萬年時為幕僚詳錄其事後附

戰具諸法頗詳惟文多殘闕不盡可辨為足惜耳同上